

## LA PANDERETERA. (Lo Suelto Ayerán)

Qu'atrevimientu dios míu,  
voi tocar la pandereta,  
qu'atrevimientu dios míu,  
voi tocar la pandereta,  
ye como'l que cueye un llibru  
y nun conoz una lletra.

Si toco la pandereta  
si la toco ye que quiero,  
Si toco la pandereta  
si la toco ye que quiero,  
porque yo los míos amores  
en el bail.le nun los teo

El xueves baxe al mercáu  
a ver si yera a atopate.  
El xueves baxe al mercáu  
a ver si yera a atopate.  
Y solamente alcontré  
el focicu de to padre

Fartu toi de cortejar  
a la puerta la to casa  
Fartu toi de cortejar  
a la puerta la to casa.  
Nun sabes como me peta  
poder falar na tenada.

Ayer dixeras que güei  
güei dirásme que mañana  
Ayer dixeras que güei  
güei dirásme que mañana  
y mañana cuntarás,  
que tas malina na cama.

Cansu toi de calentar  
fierro nos míos baxos fornos  
Cansu toi de calentar  
fierro nos míos baxos fornos  
dexa d'apurir carbón  
toi d'arroxar hasta'l gorru

El domingu fai tres años  
tres años yá que falamos,  
El domingu fai tres años  
tres años yá que falamos,  
a ver si quies cellebralo  
echando castañes nel fornu

El cura de la parroquia  
fartu ta de confesate,  
El cura de la parroquia  
fartu ta de confesate,  
tengo yo abondes ganés  
de que pueda amonestate.

Échovos la dispidía,  
nun vos la quisiera char,  
echovos la dispidía,  
nun vos la quisiera char,  
que ya me duelen deos  
de la mano por tocar,  
que ya me duelen deos  
de la mano por tocar.